

頤龍乾

菴

居洲道

士

集集稿

乾 道 稿

趙 蕃 撰

編主五雲王

編初成集書叢

種二他其及稿道乾

中華民國二十六年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

(本書校對者 龍旭光 鮑嘉祥 章德宣)

乾道稿目錄

卷上

五言古詩十六首

七言古詩十二首

卷下

五言律詩三十九首

五言長律詩一首

七言律詩十六首

五言絕句十九首

六言絕句一首

七言絕句十八首

乾道稿卷上

五言古詩

宋 趙 蕃 撰

東坡在惠州，窘於衣食，以重九近，有樽俎蕭然之歎。和淵明貧士七詩，今去重九三日爾。僕以新穀未升，方絕糧是憂，至於樽俎，又未暇計也。因誦靖節貧士詩，及坡翁所和者，輒復用韻。

故鄉墮渺茫，迺此窮山依。力業因乏資，蕭颯如秋暉。人生初無根，歲月著翼飛。更堪幾寒暑，蔓草真同歸。興懷死後名，不補身前飢。已矣勿多譚，寧能置深悲。

淵明生亂世，何意爭鶴軒。念歸非一日，寓說因田園。不嗟瓶儲空，寧歎竈絕烟。聲名向千載，誰得加磨研。孟軻論尚友，我亦佩此言。古人未易誣，今代無茲賢。誰云鍾期死，伯牙遂忘琴。淵明出晉宋，東坡作知音。究其出處間，岨嶂皆直尋。和詩固亡恙，端若一手斟。我時誦其集，危坐常加欽。緬懷兩先生，千古同此心。四皓逃商山下，視衣褐婁不知建。成客孰與封君，酬夷齊古逸民。食粟猶恥周，何曾墮人計。圖安卒成憂，不然靖節翁。那與沮溺儔，顧于一日閒。無羨斯無求。

去年迫重九。倦游止長干。稅駕僧屋古。無從借船官。今年山中居。朝暮無續餐。朔身謾九尺。何時辭餒寒。貨殖賜何有。簞瓢未臞顏。因知昔人意。道勝貧非關。閒居起常早。倦巾首如蓬。偶繙西都書。意外文字工。清名誰爲高。凜凜惟楚鬢。當時豈無人。罕與二子同。乃知士生世。不貴侯籍通。九原如可作。何憚執鞭從。昔在龐德公。有足不入州。鸞鳳自有志。燕雀安可儔。迺知金石堅。不逐萬物流。當時天下事。固爲長者憂。未易一木支。殺身何能酬。令人爲短氣。哀哉融與修。

謁文叔于松谷

鷄鳴戒柴車。月落到林寺。先生方睡美。童子驚客至。晨霜粲屋瓦。初日照平地。雖非贊公宿。似是超師詣。分攜屬秋風。條忽竟此歲。相望不爲遠。數見良不易。公行立朝班。我政親農耜。自茲出處殊。寧使心迹異。歡華一朝寵。風節千古事。要令松谷名。因公表於世。

自玉山歸竹隱投宿廣平院

久客倦城市。薄言歸田廬。秣馬待日斂。顛風忽來俱。橫策徑成去。撲撲埃滿鬚。晴雷隱虛空。數雨如投珠。渴甚念茗飲。遲回尋梵居。少焉復前邁。行行過烟墟。但驚田疇間。有似槁復蘇。及經道途衢。餘流尙通渠。乃悟適來雨。咫尺或有無。天公本何心。分龍信非誣。自茲到吾棲。崗嶺更複迂。山窮偶逢寺。可以休僕痛。投鞍議食事。僅具粥一盂。道人吾故人。問我來崎嶇。既能設瓜果。村酒亦復沽。我愧非淵明。僧誠遠公徒。

道興二首

停杯竟高枕。夢境知何如。明當帶星起。草露徒侵裾。還家一何忙。視竹齊架書。優哉且自適。休問瓶無儲。
秋清意自佳。況此山崦靜。今晨風日暖。亦復起我病。叢深木樨多。激烈香成陣。何必簪菊林。方能明佛性。
西風何從來。驚我庭下綠。竹君子不知。儼立若帶束。山居陋無友。弔影唯吾僕。得此助婆娑。寧能嘆幽獨。
寒夜曉起呈斯遠

晨起

黃昏月甚佳。夜半風忽起。直疑天又變。況覺寒逾水。破衾不能溫。曲身豈復論。牕明亟問似。霜裏明朝噉。
梅開何處樹。索莫誰能顧。被褐復扶筇。從君覓詩去。

幽居

布衾失餘溫。紙窗啓微明。霜粲萬瓦白。江可一葦橫。故園菊應荒。郢岸梅且榮。客遊胡滯留。此事行崢嶸。
窗前亦何有。有槐儼而長。植之自誰歟。花開幾經黃。那知窗中人。不作昔日忙。但戀六月蔭。超然傲羲皇。
得晴欲過江。訪梅已忽病。作天亦復陰。悵然有賦。

立春數日閒。梅花未多覩。書窗有析枝。每浸則微吐。殘編宵未眠。卯酒朝自舉。時聞遞幽香。似接譚妙語。
林園何人家。厥地非容與。曾知將軍祠。老本瞰江滸。時中幾及之。欲往遭雪阻。莫要居士麴。但費先生楮。
前朝得霜霽。決意喚鳴櫓。肩輿已出門。邂逅謁吾侶。忽焉頭岑岑。歸臥更侵簪。或者瘡爲祟。又意瘴莫禦。

杯鐺且棄置。藥餌事煎煮。豈唯病獨然。陰雲重彌宇。義之嗜山水。誓墓不自許。涪翁訪岑公。亦歎連朝雨。世人肆貪求。妄意輒簪組。寧知一笑適。亦自有從拒。天雲會當開。我病亦應愈。但恐梅之花。踴躍如化羽。從孫一昆仲。求毗陵筆。

宣城死諸葛。管城不中書。我無操舟長。顧病河流紆。朝來罷茶甌。閒詩念追摹。毛錐不勝任。一戰驚摧車。孫郎吳中回。此物富有餘。自云得祕法。蠹口絕覬覦。君今英妙年。賦成似相如。自宜給筆札。奏技承明廬。非如寒窗人。章句分錙銖。多貯竟胡爲。何妨稍遺余。

七言古詩

遠齋作十二辰歌見贈且屬同作

蟲臂鼠肝能幾許。何如徑駕牛車去。虎頭未必果癡絕。死穴舊來輸狡兔。先生端是人中龍。爲蛇畫足吾何功。士窮有愧食穀馬。況乃爛羊關內封。春風開花到猴李。白酒黃雞思下里。賦因狗監笑相如。猪肝不食寧爲詭。

題歸去來圖

淵明豈樂居巖藪。逢此百罹聊飲酒。隄生未免不食亡。孔融竟落姦雄手。想見龍眠下筆時。貯目精神思尙友。開圖我亦有遺恨。不得執屨從其後。

送周仲材罷官還孳女

仲材名銓，湖州人，常尉玉山。

天風索索鳴枯桑，天寒自茲繁雪霜。故人別我向何許，蘭溪水深葦可杭。憶初識君上君堂，論交許參鴻雁行。三年還往少間斷，惠好如此宜毋忘。人生會合胡能常，君行我留增慨慷。雖云吳楚數驛地，書札便恐疎寄將。君才有如玉截肪，不待雕琢成文章。一官婆婆百僚底，衆謂寶器橫道旁。問君此去何其忙，金尊綵服樂未央。他年盛事一門見，父子持囊俱明光。

張信州禱晴輒應以詩賀之

舍東舍西縲車鳴，陂南陂北秧壠平。共期今年好春事，自茲無苦惟須晴。如何忽作十日雨，農夫輟耕病紅女。爾曹惴惴何足云，忍使憂形使君慮。人言水早有常數，豐凶不假祈禳助。那知使君爲民爾，一念未萌神固許。朝來風色端何祥，溪流復故山屏張。欣然比屋盡和氣，使君之賜真無央。

喜晴

春風吹晴簷雨止，蘭芽半吐梅堆委。階前背蔭苔蘚深，曳杖不妨成細履。浮生憂喜均何如，誰能役役愁其軀。時閒意適且自慰，莫問詰朝瓶乏儲。

樂歲歌

早禾登場無餘粒，晚禾結穗俱全實。如聞自入夏秋來，十日一雨風五日。去年夏旱秋與同，早禾半穫晚禾空。未云收穫告畢工，十家九家愁歎中。豈知今年有豐殖，父子相安妻反室。東坡先生故嘗言，民自天

民天定卹。我今千里方來歸。釋擔先題樂歲詩。其誰傳似閭里兒。乘時閉糴將安施。

落星寺

我辭廬山十五載。奔走坐受世迫隘。今年一夢落星灣。遙賞意短終不快。褰裳高步千仞岡。下視城郭等蓬塊。陰風遠來龍噫吟。大江東下波滂湃。遠游止爲兩眸計。扶杖深歎造物大。五老自是吾故人。一笑卻恨浮雲礙。欲搜短句記來游。倚檻孤嘯上方外。康州涪翁我所師。借問遺碑悉安在。

過女兒浦

青山峨峨聳髻鬢。流水瑟瑟鳴珮環。朝雲暮雨在何許。秋月春風空自閒。予今老矣鬢且斑。行役殆遍江之南。舊遊渺邈大姑石。吾家側近丫頭巖。

抵南康

江天漠漠江雲濕。江波浩浩江鷗急。二十年間幾經歷。欲論舊事俱陳迹。舟人漁子笑且語。不知客子行路苦。今夜解帆落星渚。典衣市酒寬久旅。

成父以子進釀法爲酒酒成許分貺趣之以詩併呈子進昆仲

蘇仙盡飲不滿勺。平生願求酒方略。空山松桂不使閒。必使捐糜効斟酌。自言坐客有酣適。已雖獨醒同醉樂。是心可以付調元。歎息向來湖海著。邇來繼有孫夫子。文高飲少俱蘇若。如何喜釀又相似。叔敖典型亂今昨。談閒快說酒中病。慶戰如遇將軍霍。至其妙處殆神授。后稷播種神農藥。冬鶩近撇不老泉。石

室蘭溪望風卻。我時盤輿適過之。靜埽玉亭供偃薄。呼童洗觴置我前。謂我多寡隨人各。詎須珠玉始修容。濡唇頓爾忘諧謔。我云此乃酒御史。徑取橄欖充咀嚼。庶幾正味兩相類。祛我沈疴屏無作。我家是邦陋隨俗。白酒釀來纔宿諾。彼人固肯號茅柴。此意豈復知京洛。阿連聞道愈於我。換米急拋居士屨。不勞火齊撓妻孥。要與論功上麟閣。祇今旬月計已熟。沾漑況自有夙約。醉鄉道路久生梗。愁城疆界思開拓。便須健步速持至。預恐肴核窮搜索。梅公不與俗子對。我亦竹門無鎖鑰。但判醉倒更微吟。萬事休休還莫莫。

近乏筆託二張求之于市殊不堪也作長句以資一笑

詩老作詩窮欲死。序詩迺得歐陽氏。序言人窮詩迺工。此語不疑如信史。少陵流落白也竄。郊島摧埋終不起。是知造物惡鐫鐫。故遣飢寒被其體。嗟我小小不解事。失身偶落翰墨裏。年來百念已灰滅。只有宿心猶在此。後來不作諸老亡。冥行恐墮澗谷底。雖云黃卷可尙友。糟粕詎能臻妙理。率然有作每自厭。一紙真成再三毀。庶幾穠蕤望豐年。亦學乘流到涯涘。那知事迺有大謬。藝未及成窮已至。皆言詩工固可俟。窮爲先兆自應爾。坐茲不復置追悔。志在溫飽誠足鄙。玄泓管楮日相從。固異小人甘若醴。竭來中書忽告老。一朝左右手俱廢。嘲風咏月不耐閒。按圖姑聽求諸市。我詩縱不稱犀象。葦管雞毛那慣使。紛紛著墨與水浮。勢如絲亂安得治。戲題滿几輒大笑。翻憶兒時汗窗紙。操舟無長病河紆。我詩固說當罪已。僕舊詩云。我無操舟長。顧病河流紆。又聞工欲善迺事。未有不先資利器。作牋搜乞累朋友。往往猶吾歎崔子。錦囊藤篋世

不乏鼠齧蟲攻誰料理。那知我輩有百艱。此事且然他可比。

郡檄子肅檢視旱田以詩寄之

是邦且熟無多收。況於水旱相爲憂。使君奏課避非實。檄公按視臨田疇。民間公來相告語。活國憂民公自許。平時愛我如恐傷。今胡不能爲輕賦。人生衣食固有端。作苦寧敢求自安。分當戮力給公上。何意年歲逢艱難。吾君德盛過文景。詔書屢下民惟省。公其爲我謝使君。考雖下下民安枕。

乾道稿卷下

五言律詩

題江貫道江行晚日圖

霞尾千山赤，雲腰幾樹連。若非彭蠡正，當是洞庭偏。歲月驚飛鳥，功名憶墮鳶。開圖若有感，歸思忽無邊。

晨起

人語村村好，鷄聲處處聞。樹猶埋宿雨，山未釋停雲。俯仰夏已度，屈伸秋又分。平生燈火念，牢落嘆離羣。

幽居多暇風雨兼旬山色蒼葱禽聲在樹顧而樂之因賦此

林雪乾留凍，巘雲行帶昏。幽人貪熟睡，簷鵲故多言。宿潤微侵屨，晨光漸滿軒。倦能行竹逕，閒且灌蘭盆。

有以靈壽杖爲祝周旋累年忽爾摧折感而賦之

度嶺且萬里，友于凡幾年。忽驚同拉朽，何敢恃扶顛。躋勝亡行具，結趺聊坐禪。山南與山北，從此罷蹁躚。

山行

晨起雨間雪，晚行風送晴。梅殘冰玉瘦，林遠畫圖呈。賈客嗟長路，農夫樂早耕。余懷獨無累，徒倚待詩成。

清明

寒食又清明。連陰得暫晴。欲知春事晚。已見綠陰成。蝶有俱飛逐。鳥仍求友聲。春衣期暖至。短褐尙寒生。

徙居祖印寺

十載依修竹。今秋始一辭。琴書與俱載。風月故長隨。四海均爲寓。旁觀莫浪疑。全家肯同住。未媿鹿門期。

郊居秋晚五首

舊歲旱爲虐。今年雨以時。如聞諸郡國。可脫半寒飢。我自無田者。空成樂歲詩。誰官太史氏。直筆要無遺。祇道秋蕭索。木樨能再開。驚看倚修竹。便恐滿蒼苔。花瘦非疇昔。香深有自來。微吟真浪爾。細折爲誰哉。庭菊種匪晚。秋風開爾遲。人嗟地力薄。我有歲寒期。蘭芷元同類。蒿萊敢肆欺。懷哉非失所。社老謾銜悲。松柏有正性。風霜無橫侵。南方異搖落。衆木共青森。曲士應懷悅。我曹嘗感心。詩成誰和者。絃絕未忘琴。霜雨飛何密。窮秋易作悲。長身竹孤瘦。短髮草黃萎。漸邇風霜迫。誰無裘褐思。向惟逃夏日。今已念朝曦。

催租人至作

竹屋煎茶罷。風牀散帙餘。花殘蜂不至。食盡雀來踈。無客對揮塵。有筇扶遠除。茲時潘處士。詩敗爲催租。

瑞峯往還三首

振衣猶戶內。發興已雲端。問路非生境。逢人若素歡。行知近林邃。望覺遠峯攢。顧可資瞻眺。胡能卹髀體。甚厭窮居陋。聊爲佛界遊。追隨有逢掖。應對屬方袍。褊性便幽隱。畏途思避逃。明當與山別。回首念塵勞。暫住已積日。此生知幾來。斂容看天矯。側足避崔嵬。隨意從登降。無心計挽推。雲寒易成晚。家近故須回。

小園早步

今朝欣雨止。天氣漸清和。籬落小桃破。階除馴雀多。占方移果樹。帶雨數蔬科。農務侵尋及。吾寧久臥疴。
閏月二十日離玉山八月到餘干易舟又二日抵鄱陽城追集途中所作得詩十二首

摧輪荒水磨。漲潦失連湖。縱使非長路。能忘去此都。未應爲物役。眞復坐飢驅。好在佳山水。懸應識故吾。
草草朝成市。恩恩客繫船。荒鷄亂人語。細雨雜炊烟。歲月眞前夢。江山殆宿緣。沙鷗應笑我。疏鬢異當年。
岸盡催撐渡。風橫促解橋。傳聞記常歲。偉觀得今朝。時有疏鐘度。誰云隔岸遙。明當絕溪去。應爲好山招。
下水有放溜。汭流多哭灘。人能等遲速。事豈病艱難。返照千山赤。春風兩鬢寒。生平慣行役。無復漫悲酸。
汭口成孤泊。章巖說舊遊。征商毋見挽。日暮自應休。煙暝棲鴉樹。沙昏宿鷺洲。浮生眞泛泛。吾道本悠悠。
借石誰爲主。叫應呼莫膺。樓高纔隱約。樹遠更崢嶸。掛席凡三過。停橈欠一登。扁舟向何許。漂泊傍漁罾。
樓殿何年寺。檣帆別郡船。溪山妙圖畫。井邑盛人烟。未覺鄉音改。空驚歲事遷。桃花知不遠。底處覓眞仙。
不見千株樹。空留百尺臺。仙人定無有。行客自裴回。更欲危欄倚。生嫌暮色催。病僧多不出。門外長蒼苔。
望望龜峯寺。行行番國船。林深寒日薄。沙迥晚風顛。能賦思孫楚。同行有惠連。好詩相撥觸。才盡不能宣。

孫子進。子儀。屢欲遊龜峯不果。經行溪上。恨不同載。故及之。

喚渡風殊懷。穿林日向中。飛泉半崖落。峭壁與天通。往者名猶在。仙人事已空。徐巖不爲遠。歸去苦恩慙。
試登雲錦閣。還上揖仙亭。棟宇雖摧落。江山自典型。衝風聊策杖。晚日更揚舲。要寫吳江句。初無六尺屏。

孫子肅有揖仙亭上觀秋漲
坐我吳江雲水鄉之句

草草天涯棹悠悠江上鷗。琵琶千古恨。蓑笠十年游。莫向官亭泊。閒爲佛界留。明朝更西去。依舊覓扁舟。

定訪浦

棹掠湖邊浦。帆收柳外橋。蒲深映鳬沒。浪靜覺魚跳。紗帽因眠側。霜豪倚醉搖。春風空浩蕩。客思只蕭條。富陽道中遇風感歎作

回首江山舊。他年來往頻。人誰無一飽。汝獨直多辛。泛泛將何往。悠悠媿此身。懷哉松與菊。白露及時新。將宿天心寺以失路遂止野人家

一出有百阻。吾生何太艱。問途迷野寺。積淖落前山。勢必難晨待。聊安虎落間。濁醪無路覓。破衲與渠關。喜公擇之歸兼懷子崧三首

曾因避仇去。竟作倦遊歸。梅蘂經青眼。緇塵染素衣。湖山新有得。歲月舊成非。小定能來否。柴關夜啓扉。子去吾誰與。諸孫共此悲。幾經行役苦。還讀寄來詩。事要規模立。寧憂寒餓爲。安知造物意。於爾不吾私。建德老斯立。近來雙鯉魚。殷勤數稱子。交友未慚予。多病誰如我。微官政浼渠。吾君方銳治。何乃緩徵車。

悼亡

死別生難見。生離死會逢。休憑海山信。浪覓少翁容。春院無新跡。羅衣有舊縫。昨朝桃李豔。今日綠陰重。

悼劉仲遠整三首

時待次漢州別駕

平生遠齋老，爲說惠連賢。制行有成德，工詩稱舊聯。幾年徒幕用，十載獲周旋。別去吳中遠，書無雁足傳。朝共阿戎飯，暮同烏戍舟。新詩蒙惠好，顧我闕賡酬。化鶴驚何往，觀魚事已休。音容無日見，巾屨想神游。不念迺兄老，忍遺諸子才。結交予最晚，聞訃亦深哀。銘志誰爲作，松杉何地栽。堂堂那復有，皎日竟浮埃。

五言長律詩

竹隱新籬

地迴闕虎落，秋來逢鼠偷。貧居乏給使，力作費營謀。鄰近俱相集，謹言卒未休。濁醪澆渴肺，香飯飽饑喉。密篠分新翠，深林失故稠。斬除纔就束，委積動成邱。經布潛依塹，蛇行曲過溝。週遭類屏障，森列勝戈矛。黃耳斯逃責，青氈好在幽。棲知有託，高枕得無憂。

七言律詩

呈趙叔侍郎子直二首

憶昨纔聞召節趨，江湖日月誦除書。政途去此不容咫，物望在廷誰得知。豈但疲民望蘇醒，更知寒士待吹嘘。所期異日施行次，不負于今拜獻初。潦倒三年白下官，畏途常以此心觀。求爲廟令直不易，翻入帝城良獨難。落落白頭游且倦，悠悠青眼刺